

Aduertencias para

earum curam suscipere, sed ex sola Charitate, licet credat probabiliter, quod ipse oves melius curabuntur per hunc quam per alium, qui ad hoc se obligat, & earum curam in se recipit. Hoc videtur fundatum in Aristotele dicente in Topicis. cap. 29. De similibus [inquit] idem est iudicium. Ad hoc dici potest, quod illa Maxima Aristotelis secundum Petrum Taretum & Titelmanum, intelligitur, quando id, quod assumitur, cum eo, quod probatur, equelem habet similitudinem, id est, quando utrobique est equalis apparentia veritatis. Alias illa Maxima non habet locum. Inde est, quod communiter dicitur: Argumentum a simili claudicat vno pede. In nostro autem proposito, non est equalis similitudo, neque equalis ratio possessoris ad rem possessam, maxime si est inanimata: qualis est Pastoris, & Episcopi ad oves suas: ideo illa ratio & argumentum, nihil probat, sed potius debet in hoc dici illud, quod idem Philosophus dicit in ipsis Topicis. cap. 22. quando dicit, quod de similibus non idem est iudicium, quando quidem longe aliter se habet possessor ad rem suam inanimatam, in animatam dico, propter seruos, quam Pastor, & Episcopus ad suas oves. Et

hec